

ACTA DA XUNTA ORDINARIA DA FACULTADE DE HISTORIA DO 27 DE MAIO DE 2021

Asistentes:

Presidenta

Reboreda Morillo, Susana

Vicedecanos

Arribas Álvarez, M. Carmen

Fernández Fernández, Adolfo

Secretaria

Cadilla Lomba, Josefina

PDI

Barriocanal López, Yolanda

López Díaz, María

Pérez Losada, Fermín

Prada Rodríguez, Julio

Presedo Garazo, Antonio

Rodríguez Teijeiro, Domingo

Uña Álvarez, Elena de

Vaquero Díaz, María Beatriz

PDI contratado

Campos Álvarez, Xosé R.

Estudantes

Lozano Ramírez, A. Tierra

PAS

Rodríguez Bouzas, Josefa

Desculpa ausencia:

PDI

Comendador Rey, Beatriz

A xunta realízase de xeito virtual, mediante o Campus Remoto na sala de xuntas 1 da Facultade de Historia, reuníndose os membros que figuran á marxe, o xoves 27 de maio de 2021, ás 12.00 horas en segunda e definitiva convocatoria, co obxecto de tratar os seguintes puntos da orde do día:

1. Aprobación, se procede, da acta correspondente á sesión ordinaria do 11 de marzo de 2021.
2. Informe da presidenta.
3. Debate e aprobación, se procede, dunha nova convocatoria adiantada no mes de febreiro para a defensa do TFG.
4. Aprobación, se procede, da oferta de materias para o Ciclo Integrado do Programa de Maiores.
5. Aprobación, se procede, dos seguintes documentos/acordos validados na Comisión de Calidade:
 - 5.1. Incorporación como representante da sociedade na Comisión de Calidade de Francisco Borja Campos Seijo.
 - 5.2. Plan de acción titorial e atención ás necesidades específicas de apoio educativo da Facultade de Historia para o curso 2021/2022.
 - 5.3. Informe de seguimento do plan de promoción do centro para o curso 2020/2021.
 - 5.4. Validación, se procede da prórroga do panel de indicadores.
6. Rolda de intervencións

A decana da lectura ao nome do membro da Xunta de Facultade que desculpa a súa ausencia á sesión, e que se relaciona á marxe desta acta.

1. Aprobación, se procede, da acta correspondente á sesión ordinaria do 11 de marzo de 2021.

A profesora María López, solicitou por correo electrónico unha pequena modificación do extracto da súa intervención. Modificarase nos termos indicados.

Apróbase a acta por asentimento.

2. Informe da presidenta.

A decana informa sobre os seguintes aspectos:

- Aos Premios “Xente que Fai Historia”, presentáronse sete persoas. Os membros do xurado coincidimos en que todos eran proxectos de gran calidade. Quedaron tres como finalistas para a seguinte fase.

- Realizouse a primeira fase da IV Olimpíada Galega de Historia e o balance é moi positivo con 29 centros inscritos de toda Galicia, celebrouse a través do Campus Remoto da Universidade de Vigo. Houbo algúns incidentes que se arranxaron correctamente. Ao ser en formato virtual cando un equipo perdía a conexión, parábase a secuencia, e esa pregunta quedaba anulada. Esta circunstancia, repetida algunhas veces, provocou retrasos para obter os resultados finais de cada quenda e fíxose un pouco máis longo do que nos gustaría. Quedaron catro equipos, para a fase seguinte, na que haberá dúas semifinais a final e será presencial. Decidimos non retransmitila para non facer público o código do Kahoot. A decana desexa mostrar o seu agradecemento á profesora Patricia Valle, e aos estudantes Tierra Lozano e Yeraí Caamaño que estiveron no Decanato axudando en todo momento no desenvolvemento da Olimpíada. As persoas que desexen asistir o venres ao concurso e/ou á entrega do premio deberán comunicalo na Secretaría do Decanato.

3. Debate e aprobación, se procede, dunha nova convocatoria adiantada no mes de febreiro para a defensa do TFG.

A decana dalle a palabra ao profesor Julio Prada que explica que neste momento hai catro convocatorias para o TFG (novembro, xuño, xullo e setembro). Neste curso un alumno solicitou a convocatoria de febreiro. Xa que as dificultades loxísticas que se daban con anterioridade xa non existen, trataríase de incluír unha convocatoria en febreiro. En definitiva, trataríase de ofrecer unha oportunidade máis, que lle facilitaría tamén a preinscripción noutros mestrados. Se non hai obxeccións incluíriase pois a convocatoria de febreiro.

A continuación comenta outra cuestión relacionada co mestrado de profesorado en secundaria e que afecta aos nosos estudantes. Este ano a preinscripción adiantouse entre o 1 e 10 de xuño, o que xerou moita controversia porque a maior parte do alumnado da UVigo non terá finalizado os seus estudos, xa que as datas de defensa do TFG son posteriores. A única posibilidade é que se inscriban sen ter defendido o TFG e que reclamen unha vez sexas excluídos/as da lista de admitidos provisionais. Nesa data xa poden ter finalizados os estudos.

O noso estudiantado ten a lectura do TFG entre o 23 e o 25 de xuño. A proposta que se fai é adiantar a defensa para os días 21 e o 22 de xuño. Así poderían estar en prazo para obter o título e poder así ser incluídos no listado.

Apróbase por asentimento incluír a convocatoria de febreiro para o TFG e tamén cambiar as datas de defensa do TFG que se realizarán os días 21 e 22 de xuño. Lémbrese tamén que por regra xeral a defensa do TFG será virtual.

4. Aprobación, se procede, da oferta de materias para o Ciclo Integrado do Programa de Maiores.

Neste curso académico marcado pola pandemia e polos problemas de aforo e de espazo, comentouse tarde que en primeiro e segundo curso non se ofertaban materias para o Programa de Maiores, por problemas de aforo, o que ocasionou problemas porque as persoas estaban xa matriculadas. Agora desde a Reitoría solicitan de novo as materias a ofertar para o citado programa. A dúbida é que se fai co estudiantado de primeiro e segundo e a raíz desa cuestión xurdiu un debate en relación ao tema das quendas.

Intervén a profesora Beatriz Vaquero, para indicar que o único comentario na reunión do PAT co alumnado de segundo é si non era posible eliminar as quendas. Piden que se cambie o sistema porque o estudiantado que tiña asignada unha quenda en moitas ocasións non asistía, habendo estudantes que querían asistir e ao non estar na quenda non podían.

Comeza un intercambio de opinións en relación ás quendas pero a decana aclara que este aspecto ten que vir nun punto da orde do día. Una futura proposta podería ser que non haxa quendas e que cada persoa ocupe o sitio que haxa nese momento e de non chega o aforo poderían ir a unha aula espello co seu portátil e auriculares. Hai tamén posibilidade de empregar os portátiles que proporciona a universidade.

Retómase o punto 4 da orde do día, indica a decana que hai que indicar un límite de prazas por materias, varios profesores interveñen para dar a súa opinión.

Apróbase por asentimento que a oferta de materias para o Ciclo Integrado do Programa de Maiores será de dúas prazas por materia do profesorado que o desexe.

5. Aprobación, se procede, dos seguintes documentos validados na Comisión de Calidade:

A decana indica que, como ven sendo habitual, os asuntos de calidade foron tratados e validados previamente en Comisión de Calidade. No suposto de que alguén desexe algunha aclaración ao respecto da documentación incluída en esta convocatoria, pode realizala. Non se formulan preguntas, propónse pois a aprobación dos seguintes puntos:

5.1. Incorporación como representante da sociedade na Comisión de Calidade de Francisco Borja Campos Seijo.

Substituirá a José María Eguileta, ao que se lle agradece a colaboración prestada durante todos estes anos. Apróbase por asentimento o nomeamento de Francisco Borja Campos Seijo.

5.2. Plan de acción tutorial e atención ás necesidades específicas de apoio educativo da Facultade de Historia para o curso 2021/2022.

Realizouse unha adaptación porque se une co estudantado que precisa de apoio especial, os PIUNE, realizouse un rexistro con todo xunto. En principio por curso quedan os mesmos titores ou titoras agás que alguén lle apeteza titorizar algún curso, nese suposto realizaríase o cambio de xeito inmediato. A decana será a coordinadora do PAT par ao curso que ven.

Apróbase por asentimento.

5.3. Informe de seguimento do plan de promoción do centro para o curso 2020/2021.

Apróbase por asentimento.

5.4. Aprobación, se procede da renovación do Panel de indicadores.

A decana solicitou incluír a maiores o seguinte punto na orde do día da comisión de calidade: Validación se procede da prórroga do panel de indicadores. En concordancia hoxe solícítase tamén a inclusión do mesmo punto na xunta de facultade.

Tódolos membros presentes están de acordo, por ese motivo inclúese como punto 5.4.



A decana explica que os indicadores para validar e comprobar a implantación da calidade no centro seguen a ser válidos polo que solicita a prórroga dos mesmos. Aclara que estes indicadores non mudaron nunca, asúmese os que propón a Universidade de Vigo, aínda que hai posibilidade de incluír máis. A proposta é a de manter os da universidade.

Apróbbase por asentimento.

6. Rolda de intervencións.

Pide a palabra a profesora María López, para indicar que para facilitar a destrución de exames e material de traballo, propón que a facultade compre unha máquina trituradora para el pavillón 2 que sería de uso compartido. Acéptase, a proposta e pediranse varios orzamentos.

Ao non haber máis asuntos que tratar, remata a sesión ás 12.50 h do día 11 de marzo de 2021, da que eu como secretaria, dou fe co visto e praxe da decana.

A decana
Asinado dixitalmente
Susana Reboreda Morillo

A secretaria
Asinado dixitalmente
Josefina Cadilla Lomba